

Yayiz Cunh: Mbanjyauz Gyaeundei Yinxvunz

“醉美瑶乡”夏宜村

□ Veih Li



▲ Hongh gai Mbanjyauz.



▲ Laj gorungz hung bienh vunzmbanj yietliengz gu' angq.

◀ Ranz gaeuq laeuz moq caemh youq.



▲ Dwkgyangq doxdax dem angqyangz.



▲ Ranz gaeuq, luengqhongh Mbanjswgiz.



▲ Hekyouz bae Mbanjyauz youzcet.



▲ Vunzmbanj guh hozdung baudomq.



▲ Gingj bya heu raemx saw yinx vunz raeuh.

► Vunzmbanj youq laj gorungz hung doiq fwen.



baenz 1.2 goengleix, diuz rij raemx sawyau ndeu hopheux aenmbanj ngutngeuj lae gvaq, youq gorungz hungsang gyaeujmbanj raemhrwd goemqew lajde, 500 lai aen ranz Yauzcuz namh faex, ciensiu ciennaex caep baenz haenx hopheux aenhaw daengjbaij youq gwnz bo seiq mbiengj, miz sang miz daemq, gak miz daegsaek, gag baenz cungj gingj yinzvwnz daegbied ndeu.

Yayiz Cunh Yauzcuz beix-nuengx gaenxhong simsoh, simhoengz simndei, rox eu fwen gyaez diuq foux, youq gwnz bya sang ndaw lueg gvaq saedceij daih dem daih, dawz faenh sim baiqfug swyenz caeuq gij dingqnyi yawjraen ndaw saedceij, guhhong daengj haenx yungzhab haeuj ndaw fwen foux caeuq hozdung gvaq ciet bae, gyoebbbaenz le gij vwnzva minzsug conzdungj lai cungj lai yiengh, fwen Vahyauz, “haq gwiz, haqsau” conzdungj aeuyah baehaq sibgvenq fungsug Yayiz gaenq ndaej lied haeuj Vuzcouh Si feih vuzciz vwnzva yizcanj mingzloeg. Byaij haeuj Yayiz Cunh, mwngz ndaej dingqnyi yawjraen fwen Buenz-vuengz, foux Buenzvuengz dakdaiq

miz saedceij gyaeundei, cingzgamj vuenyungz, haeux ndaej funksou haenx; yawjraen gij buhvaq diuzvunj Yauzcuz aeu hoengz, ndaem guh saekdaej, doenggvaq seuj, siuq, daemj, san daengj dinfwngz giujmiuq mehmbwk dahsau Yauzcuz guh baenz haenx baenzlai ndeiyawj hamz miz gij yisuz laeglwd haenx, caemh ndaej yawjraen gij aeuyah baehaq Yauzcuz “haqgwiz haqsau” daegbied de, ndaej cimz gwn ngaiz mbokcuk, ceizndek daengj conzdungj gijgwn haekfeih, hawj mwngz gvaq ngoenzgyaj cwxcaih angqyangz ndeu.

Daj bi'gyai gvaqdaeuq, Yayiz Yauzcuz Yangh giethab cauxguh “Mbanjyauz gyaeundei” seiq sing-gaep swngghdai lijyouzgih, youq Yayiz Cunh Mbanjswgiz, Mbanjgorungz, Mbanjluzcai, Gaiyayiz haiguh le gaij roen gaij raemx gunghcwngz, coih bae rog ciengz aenranz ndaw mbanj moqsag, guh gingjyawj doenghva henz hamqda haeuq gorungz geq vwnzva gunghyenz daengj, hawj Mbanjyauz engq gyaeundei, yinx hekyouz bae yawjngonz youzcet engq lai.